

29/10/2000

MB minta rakyat Perlis pulau ceramah anjuran Keadilan

ARAU: Menteri Besar, Datuk Seri Shahidan Kassim meminta seluruh rakyat Perlis berdiri teguh di belakang kerajaan dengan menolak serta memulau majlis ceramah anjuran parti pembangkang, khususnya Parti Keadilan Nasional (Keadilan).

Menurutnya, tindakan itu dianggap wajar berikutan pembabitan pemimpin parti itu dalam gerakan memburukkan Perdana Menteri, Datuk Seri Dr Mahathir Mohamad di luar negara.

"Tindakan memburukkan negara dan Perdana Menteri di luar negara itu adalah perbuatan `penderhaka', maka adalah sewajarnya rakyat mengenakan hukuman terhadapnya.

"Selain itu, pemimpin terbabit juga turut bertanggungjawab berkempen dan menghalang pelabur asing yang berminat untuk melabur di negara ini. Tindakan itu sudah pasti memberi kesan buruk bukan saja kepada negara malah, rakyat seluruhnya," katanya.

(END)